

LXXIII

24 Mei 1963

Dr. J. Hartog
Wilhelminastr.
Oranjestad.

3
CENT

OBSERVADOR

Semanario Informativo **Metamente Arubiano**



Gordon Cooper
otro
conquistador
di espacio

**CONTAL AGENCIES
IMPORT & EXPORT LTD.**

tin un oferta especial pa e ocasionidanan
di e famoso lechinan marca



Tur e etiketanan (label) tin valor.

UN GLAS PROPAGANDA

(25 etiketa grandi of 48 chikito)

UN BUNITA BALLPOINT

(5 etiketa grandi of 10 chikito)

CHUCULATI NA CABA

(20 etiketa grandi of 40 chikito)

COI HABRI BLEKI

(20 etiketa grandi of 40 chikito)

BOEKI DI BABY

(10 etiketa grandi of 20 chikito)

BOEKI COMICO

(10 etiketa grandi of 20 chikito)

PA MAS INFORMACION YAMA
TELEFOON 1418 - 1816

Huma
semper
lo mehor
sea
cu Filter
of
sin Filter



Agente
**MANSUR
TRADING
CO.**

Tel.
1050
1051

GRANDIOSO - ENORME - COLOSAL!
"CLUB DE REGALOS"



Tur hende por participa — aki no tin cuenta di suerte.

Tur hende ta haya regalos.

Warda tur botter bashi di e famoso productionan

AMSTEL Y SIGLO 20

y cambia nan pa bunita regalonan na

LICORES ARUBA N.V.

PA CADA BOTTER BASHI	"SIGLO 20" 48,4 OZ.	BO TA HAYA	2½ PUNTOS
" " " "	"AMSTEL" CERBEZ	" " " "	5 PUNTOS
" " " "	"SIGLO 20" 24,2 OZ.	" " " "	5 PUNTOS
" " " "	"AMSTEL" STOUT	" " " "	5 PUNTOS
" " " "	"SIGLO 20" 12,1 OZ.	" " " "	10 PUNTOS
" " " "	"AMSTEL" MALTA	" " " "	5 PUNTOS
" " " "	"SIGLO 20" 6,2 OZ.	" " " "	20 PUNTOS

Edita y publica door di:
Publicidad "EXITO" Aruba A.B.
Wilhelminastraat 31, Oranjestad
Tel. 2020 — 2121 — 3131

HEFE-REDACTOR

Adriaan Arends L.

REDACTOR

D. E. Lacle

SECR.-REDACCION

A. C. Arroso

COLABORADOR

P. van Lankeveld

H. C. Vischer

L. A. C. Lacle

FOTOGRAFOS

O. C. Aderinga

E. Odor

CORRESPONSAL NA**BONAIRE**

R. E. Janga

COLOMBIA:

A. M. Gonzalez

COSTA RICA

Clemente Lacle

CURACAO:

A. v.d. Duij Jr.

U. S. A.:

S. Q. Oduber Jr.

GUATEMALA

J. F. Arends

HULANDA.

Hansel Arends

REP. DOMINICANA

Rafael R. Jorge

VENEZUELA

Josuy M. Masar

SERVICIO DI PRENSA

Editha Press

Central Press

SUBSCRIPCION :

Trimestre " 5.—
Anual " 19.—

Imprimi y ilustré door di :
GENERAL PRINTING CO.
Zuidstraat 15, Tel. 1058

EDITORIAL

Pronto lo bandona servicio di gobierno, despues di a permanecé durante varios decada den e servicio ey, Sr. L. Kerstens, Secretario di Territorio Insular di Aruba.

Sr. Kerstens, despues di a dedica tur su capacidanan y energia na bienestar di Aruba y Corsos, lo bai pa di un pension, un descomiso completamente merecido.

Pero huntu cu e baimento di Sr. Kerstens ta surgi e pregunta: "Kende lo bin ocupa awo e puesto importantisimo di Secretario di Territorio Insular di Aruba"?

Y di biba nos ta yega na e punto, cu nos mester puntra nos mes si e wordo percara debidamente pa un sucesor. Y nos no ta referi na e puesto di Secretario Insular so, pero tambe na e otro puesto importante den e aparato gubernamental.

E puesto di Secretario probablemente lo no forma un problema grandi, pasobra Michael Kuiperi a cursa estudios exitosamente na Hulanda riba terreno estatal y huntu cu su calidatnan, ya demostrá, pa nos e ta e candidato mas logico pa ocupa e puesto importante di Secretario.

Pero un nombramiento di Sr. Kuiperi na lugar di Sr. Kerstens lo ocasiona un vacio na e Oficina di Turismo cual oficina ta di suma importancia pa Aruba y esey si lo causa e Gobierno insular un punto interrogatorio grandi.

Nos ta di opinion cu, despues di ocho aña y mei, cu Antillas, y automaticamente tambe Aruba, a obtene nan autonomia, ainda e aparato gubernamental no ta den man di forzanan local.

Berdaderamente a wordo duná hopi beca pa empleadonan di gobierno bei cursa estudios na Hulanda riba e terreno di administracion den Gobierno, pero di otro banda nos ta puntra nos mes si ta wordo duná suficiente facilidad na e personanan aki, pa haya e experiencia necesario pa den termino di algun aña nan ocupa e puesto importante den e aparato gubernamental.

...Nos hier meen lo siguiente. Ora un mucha homber bini for di Hulanda cu un diploma, ta logico cu e ta wordo emplea na un di e departamentonan, pero despues di dos of tres aña, si el a demostra di tin capacidad suficiente, e mester wordo nombra asistente of algo por estilo di e Cabezante di e Departamento ey, pa ora e Cabezante ey bal, automaticamente e tin e posibilidad of e preferencia pa haya e puesto.

Esey, den nos bista, ta e unico manera pa sello e autonomia di Aruba, cual a wordo obtené mas cu ocho aña pasá.

Esaki ta un proceso cu no mester wordo accelera, pero cual toch mester ta un di e principal obhettivonan di Bestuurscollege pa alicinco of diez aña e aparato gubernamental ta enteramente den man di nos mes hendenan y cu nos por bise cu e autonomia a bira un hecho den tur sentido.



Asina mundo ta bai

MAS TOCANTE E VUELO ESPACIAL DI GORDON LEROY COOPER

Despues di e exitoso vuelo espacial di e astronauta Gordon Leroy Cooper siman pasá, un alto funcionario di e Direccion di Espacio, a declara cu probablemente lo no wordé organizá mas vuelo espacial hao auspicio di e programa espacial "Mercury".

Esaki ta nifica probablemente cu Estados Unidos lo no intenta vuelonan espacial tripulá por lo menos te October di aña 1964.

Si no wordé realizá programanan espacial den ramo di e proyecto Mercury, anto esey kier meen cu Estados Unidos ta cla pa cuminsa cu e proyecto "Gemini", cual tin como obhetivo pa pone dos homber banda den orbita espacial, kendenan lo permanece den espacio durante periodonan di dos siman.

E prome vuelo di e proyecto "Gemini", segun calculacionnan, lo wordé intentá durante luna di October di aña 1964.

Pero un decision definitivo lo wordé tumá durante otro siman.

E funcionario a bisa cu e éxito di Cooper tabata asina grandi,



cu probablemente lo no tin mas vuelo mesos cu esun di Cooper.

E diaman aki Gordon Cooper lo sili for di un agasajo pa drenta otro.

E pantonan culminante despues di su vuelo espacial tabata indudablemente e reunion cu su esposa y dos yiuinan huber na un base militar di Hawaii, y e recepcion cu el a haya ayera na Casa Blanca na Washington, cunando el a combersa durante mei ora cu president Kennedy y despues a pronuncia un discurso pa e micrófonan di e Congreso norte-americano.

E graficanan, cu ta aparece riba e dos paginan aki, ta representa e vuelo espacial di Gordon Cooper completamente, esta di e momento cu e cohete Atlas cu e capsula a wordé lanzá, su rescate y te cu e momento cu el a bandona e capsula Faith-7 a bordo di e portavion "Kearsage", cual portavion a rescata e astronauta Walter Schirra tambe.

El a drumi asina bon, cu ora el a lamta, e no tabata sabí na nada e ta. E ta bisa cu a base di su experiencianan, un homber por biba, drumi y come durante periodonan prolongá abordo di un nave espacial.

Ora cu el a drenta den orbita, algun minuit despues di e lanzamiento, el a mira door di e ventan-





na y a mira e cohete Atlas, cu a worde usá pa e lanzamiento y cu "na moda di papia" easi e por a mishi cu me.

Durante e prome minuttan di su vuelo el a pone tur cos na orden.

No obstante cu e no tabata sinti hamber, toch el a forza su mes pa come, como cu esaki tabata forma parti di e experimentonan, cu e mester a realisa abordo di e nave espacial. El a come algun biscochí y a bebe dos glas di awa.

Durante e prome orbita, e tabata sintié poco straño, pero durante e segundo orbita e tabata asina custansá eba, cu el a tene un siesta chiquito. E periodo mas largo, cu Cooper a drumi, a cunzina durante e di tres orbita y e tabatin un durcion di mas o menos seis ora, algo menos di loque a worde calculá riba terra.

E prome impresion di visibilidad, Cooper a haya ora e tabata bulando riba e península arabica den Medio Oriente. El a mira un vapor, algun truck y un trein corriendo.

Ora e tabata bula riba territorio di Texas, e por a mira mas o menos e lugar, den cual e Di-

reccion di Espacio ta situá na Houston, pero su mes cas e no por a mira, el a bisa cu un sonrisa.

Gordon Cooper ta e prome astronauta cu a bula riba China Comunista, y Cooper a declara en relacion cu esaki, cu for di espacio bo ta mira China Comunista,



mescos cu bo ta miré riba mapa.

El a bisa cu e luz, cual ta indica cu su capsula tabata den descenso eba, a cuminsa cende ora e tabata felta dos orbita ainda y e no a haci caso di e luz den prome instancia, pero despues el a pensa cu toch e mester a dedica atencion na e hecho aki. Y el a sinti pensa kico por a pasa. El a continua e vuelo y na un dado momento el a ripara cu e inversor di corriente continuo no tabata funciona, locual tabatin esoso consecuencia automatico, cu su piloto automatico lo no hab'é tera back.

Y asina ta e mes mester a dirigí su capsula den atmosfera back, realizando tur e manobranan cu den otro caso lo a worde haci door di e piloto automatico.

El a declara cu no tabatin ningun problema y cu, despues di a pasa door di algun nubis, el a distingui e portavion "Kearseage", cual tabata ward'é y e ora el a sinti cu tur cos tabata cla den tur sentido.

Interesante tabata e declaracionnan cu Gordon Cooper mes a haci despues di su vuelo, caminda el a duna tur detalles y su experientianan durante e vuelo espacial.



SEGUN ESTADOS UNIDOS TA DIFICIL PA HAITI CAI DEN MAN DI COMUNISTANAN

E representante di Estados Unidos den e Organización di Estados Americanos, De Lesseps Morrison, a declara Dialuna cu, segun su opinion, no ta existi ningun peliger cu Haiti lo cai den man di e comunistanan y cu Haiti lo hira un segundo Cuba.

Morrison a haci e declaracion aki durante un entrevista, cu a worde transmiti via television. E diplomatico norte-americano a bisa cu e tabata bisa su opinion riba diferente hecho, cu el a comprobá durante su gira den ocho pais latino-americano, cu el a realisa aña pasá y cual gira tabata inclui Haiti tambe.

Morrison a bisa cu Haiti ta un sorto di paradox, of por lo menos Haiti tabata un paradox un aña pasá, tempo cu el a hisbata e pais ey.

Den tur e paisnan, cu el a hisbata, tabata un sistema defini, segun cual e actividad comunista tabata desarolla, pero esey no tabata e caso na Haiti.

No obstante, cu e situacion economico di e pais, ta converti Haiti den un suelo sumamente fertile pa e comunismo di tipo castrista, toch ta existi dos motibo, cu a pone cu Haiti no a hira of lo no

hira un segundo Cuba den e hemisferio aki.

E prome ta cu e Haitianonan ta papia frances y dialectonan frances y cu nan ta forma un raza di color. E combinacion di e idioma y e hecho cu e idioma aki ta difencil pa e agentenan castrista, ta forma pues e prome motibo.

Morrison a califica como e segundo motibo cu no tin actividad comunista na Haiti, e hecho, cu e condicionnan economico di e isla, ta asina desfavorable cu e comunistanan no kier complica nan mes cu un pais manera Haiti. (E entrada anual per capita na Haiti ta 70 dollar pa aña).

Un di e periodistanan presente a pantra Morrison, si, segun su opinion, e tirantes a hira menos riba e isla, caminda algun dia pasá Republica Dominicana y Haiti tabata na borde di un gens.

Morrison a contesta cu, segun su opinion, e tirantes a mengua considerablemente tanto na Republica Dominicana como na Haiti. El a bisa cu e hecho cu diferente enemigonan politico di e dictador Francois Duvalier a baya permisionan pa handena e pais, ta un di e motibonan principal.

Refiriendo na e prome ministro cubano, Fidel Castro, e representante di Estados Unidos den e

Organizacion di Estados Americanos a declara cu e influencia di e lider cubano poco poco ta hiraando menos riba e continente americano y especialmente desde luna di October di aña pasá, su nombre a cuminsa decaer completamente. Y su prestigio tabata den decadencia cuba na e momento di e crisis cubano. E crisis cubano a demostra claramente cu Castro no ta nada otro cu un peon di e centro comunista mundial, e Kremlin na Mosca, Union Sovietica.

A base di e puntonan, cu el a menciona den e entrevista aki, Morrison a declara finalmente cu e corriente politico riba e continente americano ta favorece Estados Unidos sumamente.

Mientrastanto e Comision Investigadora di e Organizacion di Estados Americanos, cual comision a worde formá pa investiga e veracidad di e acusacionnan cu Republica Dominicana a lanza contra Haiti, a termina cu su trabao y ta worde sperá cu e siman aki mes nan lo termina nan rapport.

No tin ningun informacion obtenible tocante e contenido di e rapport aki, pero generalmente ta reina e opinion cu e comision investigadora aki lo critica e regimen di e dictador Francois Duvalier severamente.

E SEGREGACION RACIAL NA ESTADOS UNIDOS

Despues cu e disturbianan na Birmingham den e estado mericano Alabama a causa di e segregacion racial, a calma un poco, ta limiendo noticianan for di otro partinan di Estados Unidos, cual noticianan generalmente tin un caracter alarmante.

Nos a bisa aki riba cu e disturbianan na Birmingham a calma un poco, pasobra ainda nan ta tumando lugar, pero riba escala mas chiquito.

Asina a yega na ultima ora e noticia cu mas cu mil estudiante di color, kendenan a falta nan les pa participa den demostracionan contra e segregacion racial y na defensa di nan derechonan civil, a worde expulsá for di e Universidad di Alabama door di e autoridades escolar, local por hin hira otro punto di discusion y por lo tanto otro motibo pa disturbianan serio entre e hendenan di color y hendenan blanco.

E nombernan di mas cu mil escolar di color, di cualnan hopi



President Kennedy

a worde deteni durante e demostracionan antisegregacionista, a worde mandá pa e diferente schoolnan, cu e orden en ningun di e muchanan aki por worde acepta mas na e schoolnan.

E expulsion aki ta drehta na vigor awe y ta worde sperá hopi disturbio.

Noticianan alarmante ta hini di e estado North Carolina. Na e

ciudad Durham, e autoridades policial a traha te den oranan di madrugada pa registra 700 hende di color y 15 blanco den e prisonnan, kendenan a worde deteni durante e manifestacionnan, cu a worde efectua ayera y cualnan tabatin como obieto pa protesta contra e segregacion racial na e schoolnan, restaurantnan y teatronan.

Den e region di North Carolina, cual ta worde considera como un di e centronan tabacalero mas grandi di Estados Unidos, a worde deteni mas cu mil ocho cien hende di color.

E doña di color, Dr. Martin Luther King, kende a planea e protestanan anti-segregacionista na Birmingham, den prome instancia a protesta contra e medidanan, cu a worde tumá contra e estudiantenan di color di e ciudad ey, pero despues di deliberacion a worde yega na e conclusion, cu e Comision, cu a worde formá pa regla e asunto di segregacion racial, no tin ningun autoridad contra e Junta Escolar, cu a tuma e medidanan aki.



Riba e promé grafica nos ta mira un aspecto di e disturbianan na Birmingham, Alabama, na wo- do solamente restonan di un auto kima a keda atras. Riba e otro grafica algun persona ta exa- minando un pacu, pa mira ká dañonan a worde haci na dje, como resultado di e lantamento di 2500 hende di color, dose di cu nan a worde atacá.

Noticianan local

DELEGACION DI ARUBA A REGRESA FOR DI VENEZUELA

Diasabra a regresa for di Venezuela Sres. Clinton Whitfield y Hans Trinler, respectivamente representantenan di Camara di Comercio di Aruba y di e Asociacion Arubano pa Comercio y Industria, kendenan a representa Aruba durante ocho dia na Venezuela.

Ambos señores a forma parti di un delegacion comercial di Antillas Hulandes, cu a worde invita door di e Asociacion Venezolano di Exportadores.

Objetivo di e hisbita aki tabata pa mediante e hisbita duna mas publicidad na loque e Industria Venezolano tin di ofrece pa trata na aumento e exportacion di e productonan venezolano.

Loque a worde mirá durante e ocho dianan ey ta fantastico y e crecimiento industrial, cu Venezuela a experimenta durante e ultimo añanan, ta casi increíble. Riba casi tur terreno Venezuela tin fabricanan de lo mas moderno. E productonan ta masha bon y ta satisfice practicamente tur e necesidadnan venezolano.

Awor cu e punto aki a worde alcanza, nan a cuminsa pensa na un mercado y e mision di Antillas Hulandes y di Trinidad, cu a worde invita, por worde considera como e prome esfuerzo serio pa trata na exporta riba escala mas grandi. Na Venezuela nan ta sali di e punto di bista pa cuminsa primeramente cu e hisbitanan y e paisnan, cu durante hopi aña tabata bon amigo.

E recepcion y tratamiento durante e hisbita tabata impresionante. E mision a haya oportunidad di discuti cu e Ministeronan Venezolano di Finanzas, Fomento y Relaciones Exteriores. Aunque esey no tabata forma parti di e programa, e delegacionnan a worde recibí door di president Betancourt na ultimo ora y a worde teni un conferencia cu e prome mandatario venezolano.

Casi tur caminda a worde pagia tocante a trinta porcientu antillano y Sres. Clinton Whitfield



Hans Trinler

y Hans Trinler a yega na e conclusion, cu e opinion venezolano en relacion cu e abolicion di e trinta porcientu aki, a cambia completamente. Por fin nan a ripara na Venezuela, cu ta trata aki di un medida protectorio anti-tiená cu no por keda existi, si nan kier mehora y extende nan relacionan comercial. Y actualmente Antillas Hulandes por conta cu e apoyo di beater e sector comercial di Venezuela, local no tabata e caso un aña pasá.

Ademas a worde hisbita algun fabrica sumamente moderno na Caracas y e verindacionan, e zonanan industrial di La Victoria, Maracay y Valencia. Tambe a worde hisbita e Industriaman Petroquimico y Quimico na Puerto Cabello. Tabata interesante pa Aruba pa tende den voz di e Director-General, cu nan no ta considera e industriaman similar na Aruba como competidor, como cu nan mercado ta suficientemente grandi pa nan produccion. Venezuela basta ta importa diferente producto riba e terreno aki.

E posibilidadnan pa importa productonan venezolano ta sumamente grandi y awor a bira mester pa establece e contactonan necesario cu e comercio di Venezuela.

Na Juli di e aña aki lo worde teni un feria na Caracas y tin intencion pa invita un delegacion grandi for di Aruba.

Conversando despues cu Hans

Trinler, nos a tende diferente detalles acerca. Por ejemplo, el a conta nos con el y Clinton Whitfield a splies nan na Venezuela y a muestra nan statistics pa acentua e importancia di Aruba, siendo cu, bon mirá, solamente Corsow a worde invitá door di Venezuela. Despues di e spliacion aki e organizadonan na Venezuela a presenta nan disculpa y Hans Trinler a bisa nos cu den futuro e ta sigur, cu Aruba lo haya un invitacion aparte.

Tanto Hans Trinler como Clinton Whitfield a declara na nos cu esaki ta e prome biaha den historia cu e puntanan di discusion entre Antillas y Venezuela, lo worde atendi debidamente, y ta muy bien posible cu asy lo tin como consecuencia cu tur dificultad lo worde soluciona.

Den e diferente industriaman cu a worde hisbita, a primera vista Hans Trinler no a mira ningun cu lo por baci uso di e facilidad nan cu Aruba ta ofrece pa exportacion pa Europa en conexion cu e asociacion di Antillas Hulandes cu e Mercado Comun Europeo. Es decir, cu e no a mira zóngun, cu lo por manufactura productonan riba Aruba pa exporta nan pa Europa.

Manera nos a skirbi aki riba cabá, actualmente Venezuela ta biesando y analizando mercadonan den exterior pa su produccion y pa apoya e exportacion aki, e Ministerio Venezolano di Fomento, a cuminsa ofrece tur sorto di facilidad na e personanan of instancianan den exterior, cu kier importa productonan venezolano.

E actual posicion di Antillas Hulandes pa cu Venezuela ta tal cu Antillas ta den un "bargaining position", local naturalmente sempre ta ventajoso.

E cooperacion cu e delegacion di Corsow tabata sumamente bon y finalmente Hans Trinler a informa nos cu a worde pagia tocante fundacion di un Camara di Comercio Venezolano-Antillano.

* * *

INCIDENTE NA
SERVICIO INFORMATIVO

Dishuebe siman pasá, dia 16 di Mei, a tuma lugar un incidente na e oficina di Servicio Informativo di Territorio Insular di Aruba, den cual tabata envolvi particularmente e Hefe di e Servicio ey, Sr. Nicolas Piña, y e president di e Asociacion pa Comercio y Industria (A.T.I.A.), Sr. Adrian Arends Ez.

Origen di e incidente aki tabata e hecho cu e president di A.T.I.A. a hai busca mil exemplar di e guia turistico di Aruba, cu ta worde publica dos haiba pa aña door di Dual Publishing Company.

Via esaki a surgi e incidente entre e Hefe di Servicio Informativo di Territorio Insular di Aruba y e president di A.T.I.A. cu a culminar ora cu e Hefe di Servicio Informativo a yama polis.

Nos a tende e version di tur e personanan, cu ta envolvi den e caso aki, pero tin asina hopi detalles y tin asina poco uniformidad den e versionnan aki, cu nos ta considera mehor di no duna nan na nos lectornan, pero nos kier concentra riba un hecho so, esta, e hecho di yamamento di polis.

Con cu e curso di e discusion a hai, kende tabatin rason of no den e caso aki, nos ta desaproba completamente e hecho cu polis a worde yamá.

Mirando tur e detallenan, no tabata necesario cu absoluto pa yama polis y di e manera ey traha un oflandite di un mosquita y den e caso un caracter desagradabel y basta escandaloso.

Especialmente si tene cuenta cu aki ta trata di un Oficina di Gobierno, di e Hefe di e Oficina ey y di e president di A.T.I.A., esta e persona cu a worde elogi door di un mayoria di comerciantes local como nan president.

Polis ta worde yamá pa bandido, ladron, bende hurachi, criminal etc., pero no pa un persona cu tin simplemente un discusion cu bo y tal vez un discusion



Adrian Arends Ez.

poco fuerte, un persona cu no sa haci ningun bende dañu.

Sea cu e Hefe di Servicio Informativo falta e diplomacia y e calidatnan personal pa enfrenta e situacion aki, of sea cu deliberadamente e Hefe di Servicio Informativo di Territorio Insular kier a humillá e president di A.T.I.A., esta, Sr. Adrian Arends Ez.

Den ambos caso e ta fout y den ambos caso e ta pone nos pensa si Sr. Nicolas Piña por ta e persona pa dirigi debidamente un departamentu gubernamental manera Servicio Informativo, cual departamentu continuamente tin di haber cu publico en general y por lo tanto mester di un dirigente cu por "deal" cu e publico aki, y sabi manera di trata bende.

Si e Hefe falta e diplomacia of e calidatnan personal pa enfrenta e publico, cu e tin di haber cune, e no ta e persona pa mancha e departamentu ey.

Si e Hefe deliberadamente ta trata na humilla un persona, y sigur un president di un asociacion manera A.T.I.A., anto tampoco e ta e persona indesea pa dirigi e departamentu ey.

P'esey ta recomendable pa dedica atencion na lo siguiente.

Sr. Nicolas Piña mester keda como Hefe di Servicio Informativo, si of no ?

Sr. Nicolas Piña ta haci mas bon cu malo como Hefe di Servicio Informativo ?

Hopi bende ta prefera un otro persona na e departamentu ey y basta nan a yega asina leuw cu nan ta prefera pa e departamentu ey desaparece, mientras cu Sr. Nicolas Piña t'ey.

Nos ta di opinion cu Sr. Nicolas Piña tin mucho conflicto cu e personanan, cu e tin di haber cune continuamente y por lo tanto si laga pa nan decide si Sr. Nicolas Piña ta e persona apropiado of no pa dirigi e Servicio Informativo di Territorio Insular di Aruba, nos ta duna masha hopi cu Sr. Nicolas Piña lo keda como Hefe di e departamentu ey !

REUNION DI SECCION
ARUBANO DI I.V.E.N.A.

Dishuebe siman pasá a tuma lugar den Centro Cultural na Oranjestad un reunion di e seccion arubano di I.V.E.N.A. (Instituto pa Promove Eficacia riba Antillas Hulandes).

E reunion aki a worde ajuicia como un especie di "forum", pero como cu no a hini mucho persona, a worde duná preferencia na un discusion informal. Entre e concurrencia tabatin presente diferente personanan importante di Gobierno y Comercio.

Tur miembro di e directiva interino, bao presidencia di Sr. Remko van Hoorn, tabata presente.

E president a duna un introduccion, den cual el a precisa e obbectivonan y e caracter di e institucion I.V.E.N.A. For di Corsow tabatin como buespued, Sr. van der Vlugt, secretario di e directiva interino di Antillas, kende a adicioni informacion, caminda tabata necesario.

Despues di un discusion masha fructifero, 15 persona nobo a inskribi nan mes como miembro y e ora ey a worde tene un reunion den cual a worde elegi e directiva definitivo pa Aruba.

E directiva aki a worde formá door di e siguiente personanan:

president Benko van Hoorn, secretario Han Steenhuisen, tesoroero S. Klapper y miembros de directiva Morris Serphas, Harold Oduber, Albert Raven, Michael Kuiperi y Hendrik Been.

E directiva nobo a worde encargá pa den breve termino prepara estatutos, cualnan lo worde propone na e miembros pa aprobacion, siendo cu for di awor caba lo worde baci un principio cu e cumplimiento di e objetivos, esta promocion di eficiencia, organizando conferencianan, formacion di comisionnan y grupos di estudio.

For di e curso di e reunion aki, nos por conclui cu e institucion aki lo tin un tarea importante pa cu gobierno, comercio etc. Cerca e organizacion lo mester worde tratá pa logra mas eficiencia y pa consecuenca aumenta tambe e productividad y rentabilidad.

Enaki por tin como resultado, cu Antillas Hulandes ta bira mas atractivo pa industrianan nobo, cu kier establece aki.

**"TROPICAL SERENADERS"
(HULANDA) DEN
NOTICIA ATROBE**

E conjunto antilleno "Tropical Serenaders" na Hulanda, cual a worde fundá seis aña pasá door di nos corresponsal aya, Harold Arends, y cu actualmente ta actuando hao liderato di Edgar Laclé, ta den noticia atrobe.

Durante e fin di siman cu a pasa, a worde organizá na Nijmegen e "Jornadas Hispánicas", un evento cu ta tuma lugar tur aña den un of otro ciudad di Hulanda.

E "Jornadas Hispánicas" ta worde patrociná door di Prins Bernhard y ta worde celebrá tur aña pa durante un fin di siman reuni tur e personanan na Hulanda, cu ta interesá den e vida y cultura hispanica. Ta worde teni conferencianan y actonan cultural y tur aña e programa di

e jornadanan ta bira mas atractivo.

Un aspecto, cu ta especialmente riparable e aña aki, ta cu lo tin personanan participante for di henter Europa y cu pa di prosue hiba gobierno di Spaña a duna su cooperacion enviando un grupo escénico y un grupo gitano musical for di Spaña pa duna e Jornada un ambiente mas spaño y atractivo.

E gran baile, cual generalmente ta forma un di e pautanan culminante, e aña aki tambe a

be den otro lugarnan na Hulanda, entre otro na radio.

Generalmente e conjunto tabata consisti di mas o menos 10 persona y casi no tin estudiante arubiano na Nijmegen, cu no a toca un temporada den e conjunto. Repasando nos mente ligeramente nos ta topa entre otro e nombernan di Harold Arends, Rori Arends, Jessy de Freitas, Bobby Every, Donald Laclé, Oswald Weaver etc.

Mayor di e iniciadornan no ta toca mas den e conjunto, pasobra sea nan a retira pa motibo di estudio of sea nan a bini Aruba back, pero e conjunto si a keda existi y a sigui cosecha fama y popularidad te cu actualmente nan ta worde invitá pa ameniza ocasionnan hopi importante na Hulanda.

Exhibicion di
ETS
na
CENTRO CULTURAL
di pintornan Hulandes
di siglonan 17 y 19

•

E exhibicion aki
ta dura
di 20 te 25 di Mei 1963

4'or - 10'or p.m.

Entrada gratis.

**ANSLIYN CONTRA
MATHEW — CHANCE**

E conflicto cu ta existi entre e candidadonan riba lista di P.P.A. ta continuando den un forma mes of mas fuerte aindá cu prosue cu eleccion. Di un banda nos tin Sr. W. C. Anslijn cu 619 votos y di otro banda e combinacion di Mathew—Chance cu un total di 1299. Durante un reunion teni na B.W. I. hall na San Nicolas siman pasá, deputado Anslijn a cherce fuerte ataquenan riba e sistema di cu coleganan D. C. Mathew y Leo Chance, respectivamente miembro di Staten y Eilandsraad pa e grupo di Isla Ariba.

E desacuerdo ta existi debí cu e partidarioman di Mathew—Chance no ta di acuerdo pa Sr. Anslijn bira deputado den e B.C. nobo cu mester worde formá aindá. E siman aki e duo Mathew—Chance a keda di reuni cu e islaribefonan, pa nan splica e insinuacion y acusacion di Sr. Anslijn. E bechonan aki por confirma e rumornan den circulonnan político, cu e grupo di Isla Ariba ta desea pa Anslijn retirá, pa nan por exigí un minister cu vez di deputado.

**CIVILUS WEVER
DI FIESTA**

Nos ta habri pagina social cu cumpleaños di Diadomingo 26 di Mei di Sr. Civilus Wever, mehor conoci como "Chibi", kende ta presta su servicio na Aruba Commercial Bank.

"Observador" ta felicita Chibi sinceramente y ta desea tur clase di felicidad y prosperidad pa futuro.

FECHA NATAL

E segundo riba nos lista di cumpleaños di Diadomingo 26 di Mei ta Srta. Felipa Oduber, kende ta emplea na Hollandse Bank.

"Observador" ta desea Srta. Oduber un dia agradable y contento, y innumerable amsnan mas di felicidad.

PABIEN PA DIDI WEVER

Un mucha pabien ta bai e siman aki di parti di "Observador" pa Sr. Didi Wever, kende Diarazon 29 di Mei proximo ta celebra su cumpleaños.

Nos ta spera cu Sr. Wever lo disfrutá di su dia di cumpleaños den compania di henter familia.

**COCKTAIL-PARTY DI
ANTILLES CHEMICAL
COMPANY**

Na ocasion di inauguracion di na planta di azoosnik na Bareda dia 29 di Mei proximo, Antilles Chemical Company lo ofrece un cocktail-party na Basi Rut, for di 7'or te 8.30 di anochi. Esaki lo ta solamente pa invitados.

**CUMPLEAÑOS
JOHN MERRYWEATHER**

Diasabra awe 25 di Mei, Sr. John Merryweather lo recordá su cumpleaños.

"Observador" ta envia su sincera felicitacion pa John desandando lo mehor p'e pa futuro y hopi felicidad den compania di su esposa y yunan.



Dr. Eloy Arends Jr.

**ANIVERSARIO
DR. ELOY ARENDS JR.**

Un cordial saludo di felicitacion ta bai e siman aki pa Dr. Eloy Arends Jr., conocido dentista, kende Diadomingo 26 di Mei ta cumpli un aña mas di lehis existencia.

"Observador" ta haci uso di e grato oportunidad aki pa desea Dr. Arends hopi aña mas di vida, felicidad y exito den compania di tur familia.

**ANIVERSARIO DON EMILIO
LOPEZ HENRIQUEZ**

Dia 29 di Mei, Diarazon venidero, lo celebra su cumpleaños Don Emilio Lopez Henriquez, entusiasta Bolivariano y e decano entre e Literadornan di Aruba.

Su labor na beneficio di e Bolivarianismo, a worde premiá aña pasá, ora cu el a worde nombrá como miembro honorario di Sociedad Bolivariana di Aruba.

Deli na su edad y estado di salud, Don Emilio Lopez Henriquez durante ultimo temponan casi no a duna ohranan literario na publicidad, pero tur hende ta corda ainda e ohranan, cu e gran poeta aki a publica te cu algun aña pasá, cualnan ta designe co-

mo un di e mas grandinan cu Aruba a conoce riba e tereno aki.

Na e ocasion aki, gustosamente "Observador" ta envia un cordial saludo di felicitacion pa Don Emilio y ademá di hopi aña mas di vida, nos ta desea Don Emilio un recuperacion pronto y completo di manera cu Aruba lo por goza atrobe di e productonan di su espíritu aina literario.

A SLAAG NA A.T.S.

Siman pasá a worde teni na A.T.S. examen final pa e diploma di Landmaschinen Stoombedrijf A y B.

Pa e diploma A a slag Romald Boston, mientras cu pa e diploma B a slag George Simon, Arthur Bowers, Wilhelmus van Loon, Joseph Neltet, Fernando Ruimit y Jacobo Geerman.

**MANUELA BRITO 15 AÑA NA
WHITFIELD'S**

Dialuna stardi a worde celebra e berbe cu Srta. Manuela Brito a cumpli 15 aña den servicio di e almacen Whitfield's den Nassaustraat.

Como cu ta trata aki di un berbe excepcional, pasobra mucha poco ta soeode aki na Aruba cu un mucha muher ta keda traha asina hopi tempo den un almacen, e jubileo aki a worde celebra den forma festivo.

Tanto Sr. como Srta. Whitfield a elogia e empleada aki pa su bondades, cu bon trabao y e dedicacion, cu semper tabata asina grandi como si fuera tabata trata di su mes negoshi.

Door di tur esaki, Srta. Manuela Brito a worde encarga tambe cu e negoshi, cu familia Whitfield tin den e lover lobby di Aruba Caribbean Hotel.

Srta. Brito a gradici familia Whitfield pa e bon trato, hisando cu si tabata otro caminda, probablemente lo e no a keda asina hopi den servicio.

E ceremonia chiquito a worde sella cu e entrega di un envelope, un bouquet di flor di su colega-nan, y un brindis di champagne.



(p. van Lankveld)



Aña pasá nos por a lesa den corantian local, cu autoridatnan di polis a saca un bendido di Bijbel for di nos isla y nan a mandé bai su tera, Puerto Rico.

Mi no sabi precisamente e motibonan, riba cual autoridatnan a burga e persona ey, pero loke mi ta for di bon fuente di informacion ta e siguiente :

E Bijbel cu e persona mencioná a bende cu diferente persona riba nos isla ta un bijbel masha bunta ilustrá, preciso — un bijbel aprobá pa autoridatnan di Iglesia Católica. Pero su sistema di bende no tabata asina bunta. Pasobra e mesun bijbel cu ta costa na Merca 40 dollar, el a bende aki pa 80 dollar, loke kier men un ganashi di mas of menos 100%. Cu otro palabra bás: usura of woekerwinst. Na di dos lugar : pa baci impreson riba hende y pa bende mas eemplar di e bijbel e persona a conta bendenan cu e ganashi ta destiná pa traha un seminario aki na Aruba, este un school camina Arubianan por studia pa bira sacerdot. E cuents bunta aki ta puramente mentira, y ni obispo ni nos padernan tin tal idea, pa motibo cu tin tal school na Corsow caba cu ta sirbi pa benter Antillas. Ma e mentira ey si ta sirbi pa e persona por a baci mas ganashi.

Tur mi lesadonan lo comprende cu benter e historia aki ta bo-

le malo : baci abuso di un cos santo manera bijbel pa gana bopi placa bao di motibonan falso, esey si ta di mas, y lastimamente cu tanto bende a cai den e trampa ey. Pakico nan no a informa promer cerca nan pastoor, si e bendenan cu ta bin conta tel cuentanan ta papia berdad, pa preveni abuso di nan bondad y bon boluntad pa yuda pa un bon doel.

Awor tin hende — mi a topa cu diferente di nan — cu ta bisata strote un prueba cu pastoornan no kier pa nos lesa bijbel. Un acusacion bopi bieuw caba cu semper bai lo ser lamá y lo ser accepta pa bende cu a habida loke nan a siña na school. Pasobra den catecismo na school nos a siña añanan largo "cu ta probecioso di lesa Sta. Escritura y ta duna consuelo, pasobra den Sta. Escritura Spíritu Santo ta papia cu nos". Of manera obispo-nan di Hulanda a skirbi añá pasá den nan carta di cuarenta : "Nos ta desea cu palabra di Dios lo ser lesa y medita cada dia, pa asina nos e palabra di Dios lo dreata espíritu y curzon di fielnan y lo influensia nan bida personal, bida familiar y bida social. Y como resultado di esaki nos ta spera un renobamiento di bida cristian. Pero larga nos corda cu Sta. Escritura no ta facil pa comprende, y tin lugarnan masha difícil pa comprende nos".

E opinion aki di obiseponan hulanés tocante lesamento di bijbel ta opinion di Iglesia y di tur sacerdotenan. E unico condicion cu Sta. Iglesia y na number di Iglesia, Obiseponan y sacerdotenan ta exigí, ta : cu e edicion tin aprobacion eclesiastico. E condicion aki ta facil pa comprende ! Pasobra tur e hijbelnan cu nos tin, ta traduci for di un otro idioma, y nunca lo no tin seguridad, cu traductornan no a larga palabranan afor e pone otroznan na nan lugar, asina cu e sentido di promer a cambiá. Of e traductornan por duna un interpretacion of aplicacion robes of manera ta combani nan. Ta p'esey

mesos cu un bon mama kier controla ki sorto di lectura su yunan ta lesa, Sta. Iglesia kier controla si en berdad e bijbel cu e fielnan ta lesa, ta conforme cu e texto original y por worde yamá en berdad palabra di Dios. Ademas Iglesia kier larga su fielnan probcha di un estudio y experiencia di siglonan largo, dunando aplicacion sacra pa e texto-nan cu ta difícil pa comprende pa bendenan cu no a studia hopi. Nos mes sabi fú experiencia com difícil ta, di comprende un baki cu ta skirbi un dos tres cien aña pasá pa otro bende, den un otro sistema di bida. Wel kico lo para cu bijbel, cu ta skirbi algun mil aña pasá den un tempo cu otro circunstancia, otro costumbr, otro manera di bida y pensa riba cosnan principal di bida. E bijbel ta skirbi na promer lugar pa e pueblo budio y pa promer cristianonan cu opinionnan diferente for di nos. Nan tabata gusta expresa nan mes pa medio di comparacionnan y cuentanan cu den nos tempo moderno nos no por comprende. Lesamento di bijbel ta exigí hopi estudio pa comprende bon. Y precisamente pa evita cu fielnan lo comprende textonan di bijbel robes of saca conclusionnan pa nan mes bida cu no ta sirbi, juist p'esey Iglesia kier yuda pa medio di un bon control y pa medio di aplicacionnan cu e ta duna sacra. Ta ben pa sabi cu pa Hudsonian mes un parti di bijbel tabata lectura prohibi pa hobenan bao di edad di 25 aña p.e. e canticanan di Salomon, cu por baci un impresion mucho sensual riba fantasia di hobenan. Lo no ta difícil tampoco pa menciona algun historiannan di bijbel di cust-nan nos por bisa cu ta mehor nos hobenan y bende sin hasta educacion no lesa nan. Ta p'esey ta bon cu Iglesia ta cuida nos y kier yuda nos den lesamento di bijbel. Cu su yudanza lesamento di bijbel ta bon y probecioso pa nos tur.



Na tur session.....
pa bo completa satisfaccin
buna cigarra.....



Agente:

**CONTAL AGENCIES
IMP. & EXP. LTD.**
TEL : 1418 — 1816

E REGALO IDEAL
pa bo regalo bo espos ta un
REFRIGERADOR

Gibson

E REFRIGERADOR CU
TA BRINDABO
LUHO Y CONVENIENCIA
NA UN PRIJS
E C O N O M I C O
Y CU NO MESTER
WORDU DESCONGELA
NUNCA.

TEXAS
Furniture Store

Emmetsaat 6A
Telefoon 1082 - 1083




SYLVANIA

Aruba's Most Beautiful and Best T.V. Set

ONLY Fls. 504.- CASH

Agents: N.V. Winkel's Handel Maatschappij
ORANJESTAD SAN NICOLAS
Phone: 1431 Phone: 5095

Pa Matrimonio, Aniver-
sario of cualkier evento 
social acudi na:

**Foto
Caribe**

Awor na O'stad y na San Nicolas: Telef. 2509-5636



BINGO

E Bingo Comercial aki ta wordé presentá tur siman door di "Observador". Por wordé ganá semanalmente un total di Fls. 150.—, promé premio di Fls. 75.—, un segundo premio di Fls. 50.— y un tercer premio di Fls. 25.—.

El manera pa participa ta masha facil.

Cada producto menciona riba e tabla di Bingo, ta representá cuater number, por ehemplo Amstel ta representá e numbernan 10—35—60—65.

E Bingo aki ta core simultaneamente cu e Lotería di Beneficencia Pública del Distrito Federal na Caracas, cual ta hunga tur Diaman y di cual e resultado ta wordé publicá tur Diaman des e charonan venezolano.

E Lotería di Caracas tin tres premio grandi y e dos ultimo cifra nan di e number ganador di e BINGO.

Por ehemplo, Diaman, e promé premio di e Lotería di Caracas a ca riba number 6968. E ultimo dos cifra nan di number 6968 ta 68, kier meen cu e promé premio di e BINGO ta correspondé na e producto Nutricia.

E segundo premio na Caracas tabata 7244. E ultimo dos cifra nan di number 7244 ta 44, kier meen cu e segundo premio di e BINGO ta correspondé na e producto Sapola.

Y e tercer premio di Caracas tabata 6685, siendo e ultimo dos cifra

B

38 88

**BOEKHANDEL
MARISKA**

63 13

43 93

**Mansur Trading Co.**

68 18

48 98

OVALTINE

Posner's Agencies

73 23

28 78

Productionan**N. HABIBE JR.
Supermarket**

53 3

33 83

**Arends
ESSO
Servicenter**

58 3 59

I

) **NORDMENDE** 89 40**Texas Furniture
Store**

64 14 65

64 94 45

**Arends Hardware
Store**

69 19 70

49 99 25

**REY DE COPAS**

74 24 50

29 79 30

NESBITT'S

**ARUBA BOTTLING
COMPANY**

54 4 55

34 White Horse 84 35

**WIRCO**

58 3 59 9 60

B.O.

Aldotrave

Mar

Nassaust

SUP

**Aruba
Super Co****AMST
BIF****Licores Ar**

<p>90</p>	<p>41 G NEW AVENUE 91</p>	<p>42 O ZODIAC 92</p>	<p>nan 85, loque taifica cu e tercer premio di e Bingo ta corresponde na e producto Anstel.</p>
<p>A.C bureau 15 95</p>	<p> Mirep Store Ltd. 66 16</p>	<p> N.V. KAN 67 17</p>	<p>Bao di e pagana aki tin un slip y tur siman e participante nan ta e Bingo mester yena e tres productonan cu nan ta lere cu lo sali number 1, 2 y 3, hunto cu nan number y adres completo y postme cu e Duman siguiente na e fecha di e "Observador" ey, nan mester entregá na oficina di "Observador", na Wilhelminastraat 31, of mandé pa post, via P.O. Box 142 na Oranjestad, Aruba.</p>
<p>raat 19 20 75</p>	<p>46 STANLEY 96 Tools  Aruba Hardware C.V. 71 21 26 76</p>	<p>47 FLORSHEIM SHOES 97 La Moderna 72 22 27 77</p>	<p>E persona cu a yena e producto correcto pa e primer premio ta haya Fl. 75.—, esun cu a yena e producto correcto pa e segundo premio ta haya Fl. 50.— y e persona cu a yena e producto correcto pa e tercer premio ta haya Fl. 25.—.</p>
<p>ER na poration 0 80</p>	<p>HELENA RUBINSTEIN Botica Aruba 51 1 31 81</p>	<p> PLAYALUX 52 2 32 82</p>	<p>Peru tin un restriccion. E parti cuantitativa ganador na ta haya e suma ey cash, pero nan ta haya un vale cu e suma cu nan a gana, pa gasta coca e firma cu ta agente di e producto ganador.</p>
<p>5 85</p>	<p>VAUXHALL Aruba Motors Co. 56 6 36 86</p>	<p>DITZLER Paints  57 Jossy Motors 7 37 87</p>	<p>ku lo diabi y e siman siguiente e numerosnan di e ganador nan lo wordo publicá den "Observador". Nos ta desea tur nos lectornan suerte y nan suerte.</p>
<p>ba N.V. 10</p>	<p>WILHELM HAGEN  Batteries 61 General Store 11</p>	<p> Continental E. & G. Martijn Ltd. 62 12</p>	<p>GANADORNAN BINGO Mei 16, 1963</p> <p>1o Premio — No. 91 MIREP STORE LTD. Sra. Alida Lampe Beatrijstraat 12</p> <p>2o Premio — No. 86 GENERAL STORE Olga Hernandez Aruba Commercial Bank</p> <p>3o Premio — No. 27 PLAYALUX Mathilda Henriquez Kas Paloma 10 C.</p>


Producto No. 1: No. 2:

No. 3:

Number:

Adm:

CRUCIGRAMA



HORIZONTAL

- 1 Poema heroico
- 5 Yen di bida
- 9 Ciudad den Norte di Venezuela
- 13 Region den Centro di Europa
- 15 Haci seco - Medida maritimo
- 19 Dia..... ta un dia di siman
- 21 Organizasion di television na Hulanda
- 22 Articulo di cas
- 24 Torrente di awa
- 26 Mainta
- 28 Rio na Francia
- 30 Contrario di tempren
- 33 Preposicion
- 34 Hogar
- 35 Organizasion cultural bulandes
- 36 Insecto
- 37 Expresion pa "Di Acuerdo".
- 38 Especialista di curazon (glo-

- ral)
- 41 Afirmacion
- 42 Contrario di bon
- 43 Ola
- 49 Asociacion di Periodista (abrev.)
- 50 Preposicion
- 51 Seco di cuero pa warda cos
- 53 Number femenino
- 55 Moneda na Antillas
- 56 Contrario di Occidente
- 62 Cu tin di haber cu aire
- 63 Metal precioso
- 65 Ciudad na Arabia
- 66 Nuevamente
- 68 Ciudad na Arabia caminda tin refineria grandi di petroleo
- 70 Mesos cu 36 horizontal
- 71 Medida di tempo
- 73 Mesos cu 47 horizontal
- 74 Number di macha number
- 75 Pontifice den tempo di Cristo

77 Ciudad universitario na Inglaterra

VERTICAL

- 1 Eminencia (abrev.)
- 2 Buraco den tera
- 3 Ciudad na Argelia
- 4 Bulada
- 5 Materia pa usa den cubina
- 6 Sonido cu un burico ta baci
- 7 Carta di baraja
- 8 Enseñanza
- 9 Compania Aereo Belga-Italiano di Transporte (abrev.)
- 11 Ministro di RREE di Cuba
- 12 Oranje Nassau (abrev.)
- 14 Parti interior di bo culpa
- 16 Fila di auto
- 18 Negocio
- 22 Parti di un vapor
- 23 Cantidad di awa riba cuya
- 25 Distrito riba Aruba
- 27 Punta riba un cos
- 29 Ingrediente pa cuminda
- 31 Conjunction
- 32 Numero
- 38 Cuminda di cada dia
- 39 Territorio rondona di awa
- 40 Number di e partido socialista di Alemania Occidental
- 45 Parti di Wegman Olimpico
- 47 Azeta
- 48 Na Paris tin di Triunfo
- 50 Sistema cu bo ta peña bo cabe
- 52 Cantidad di seroe bunto
- 53 Cent (abrev.)
- 54 Expresion di dolor
- 55 No cash
- 57 Dios di amor sin ultimo letter
- 58 Contrario di bieuw
- 60 Bñaf
- 61 Number femenino
- 64 Nota musical
- 66 Exclamacion
- 67 Epoca
- 68 Parti di un para
- 69 Nonombre personal
- 72 Anti-Revolucionario (abrev.)
- 73 Rio na Siberia.

(E ta sigu na pag. 17)

LEMA DI SIMAN : 17 Hor., 10 Vert., 59 Hor., 20 Vert., 32 Hor., 76 Hor.

CRUCIGRAMA No 15

Number Adres



LITTLE LEAGUE

Durante e ultimo weekend nos a recorre tur e terrenonan, riba cual ta worde hunza partidonan di Little League. Nos a experimenta un solo hopi cayente, pero tambe hopi bon baseball y especialmente entusiasmo di banda di e hungadornan y e publico presente.

Diadomingo merdia nos a cuminsa nos viaha na Savaneta, caminda a enfrenta otro Libby's, actualmente puntero den South League, y Viana. Durante e prome parti di e partido Viana, hungadornan excelente, a tuma ventaha di 1-0, pero den e parti restante di e wega, Libby's a bai adilanti y a gana finalmente cu score di 8-4, manteniendo su mes firmemente na cabes di e campeonato den South League.

Na Lago Sport Park no tabatin mucho publico presenciando e partido entre Supercleaning y Aruba Rotary. Cu amplio dominio e muchanan di Supercleaning, actuando como manager e conocido lanzador Rufus Arrindell, a derrotar Rotary cu score di 13-3. Ningun momento e ventaha di Supercleaning a hini na peliger.

Den Lone Palm Park den Seroc Calarado tabatin e encuentro entre American Legion y Aruba Lions.

Den e partido aki a yama atencion especialmente e siguiente tres puntonan: e gran publico presente y e animacion cu nan tabata duna e muchanan di American Legion (entrenadornan ta De Muoy y Proterra) y e gran espiritu di combate di Aruba Lions.

No obstante cu desde un principio Lions tabata hiba desventaja grandi, toch nan a sigui bringa te na final, den cual fase di e partido nan a trece e team di

American Legion den aprieto serio. E score final tabata 13 pa 10 na favor di e Americanonan. Remarkable ta e labor di nan infield, pero nan outfield a haci nos e punto mas debil di e team.

Diadomingo nos a bai Noord, Santa Cruz y Oranjestad, caminda respectivamente a enfrenta otro Nutricia y Oso Grape, U.S. Keds y Pepsi Cola y Wrigley's y Aruba Caribbean Hotel.

Den Wilhelmina Stadion na Oranjestad U.S. Keds a logra su prome victoria di e temporada contra Pepsi Cola cu anotacion di 9-8. Esaki no ta un sorpresa adna grandi, pasobra e dos equiponan aki ta ocupa respectivamente e ultimo y penultimo lugar den e tabla di posicion.

Santa Cruz e team di Aruba Caribbean Hotel a sufrí su segundo derota consecutivo.

Siman pasá tabata contra Nutricia, y e siman aki contra Wrigley's.

For di un principio eba Wrigley's a indica e tono di e partido, a tuma ventaja y a mantene esaki te na final ganando cu anotacion di 8-3. E team di Wrigley's a worde apoyá hopi door di e poblacion di Santa Cruz e esaki seguramente a contribuí pa logra e victoria.

Aruba Caribbean Hotel mester trata na recupera, si nan kier conserva nan posibilidatnan campeonil.

E mehor partido di e siman aki tabata na Noord, caminda Oso Grape a percura pa un gran sorpresa derrotando Nutricia 5-2.

Den e partido aki a actua e dos mehor pitchernan di Little League, esta V. Tromp di Nutricia y I. Tromp di Oso Grape y por lo tanto e wega tabata casi enteramente un duelo di pitcher.

Especialmente e lanzador V. Tromp a luci nos como un gran prospecto pa e futuro beisbolístico di Aruba.

Ora a yega e ultimo oportunidad pa Oso Grape, Nutricia tabata bibando ventaha di 2-0, pero precisamente den e ultimo oportunidad aki Oso Grape a

empata. Y mester a bin un extra-inning. E dos pitchernan cu a inicia e wega reglamentariamente mester a worde cambia y den e inning extra Oso Grape a marca tres correda pa gana cu score di 5-2.

Pitcher amateur tabata E. Correa.

E tabla di posicion ta actualmente:

NORTH LEAGUE

Team	w.g.	w.p.
Nutricia	8	3
Oso Grape	7	3
Aruba Caribbean Hotel	7	4
Wrigley's P.K.	6	5
Pepsi Cola	3	7
U.S. Keds	1	10

SOUTH LEAGUE

Team	w.g.	w.p.
Libby's	9	2
American Legion	8	3
Supercleaning	7	2
Aruba Rotary	2	7
Viana's	2	8
Aruba Lions	1	7

GRAN ACTUACION DI E PITCHER BRIEZEN

E joven lanzador (16 años) Briesen, kende algun aña pasá, tempo cu e tabata hungando den Little League, nos a señala como un di e mehor prospectonan di Aruba riba terreno di baseball, a confirma Diabiernes anochi nos palabranan, lanzando un no hit no run den e partido Plymouth — Erres, valido pa e campeonato di baseball A-klasse.

Door di su labor magnifico Plymouth a logra su segundo victoria consecutivo den e campeonato actual.

Un otro punto cu nos kier a menciona den e espacio aki ta e siguiente. Di bon fuente nos a worde informa cu e equipo Plymouth no tin sponsor actualmente y cu nan ta buscando un sponsor.

Si tin comerciante interesa, nan ta bonbini.

PREPARACIONAN PA OLYMPIADA DI A.S.U. A CUMINZA

Algun siman pasá e Directiva di A.S.U. a nombra e Comité Organizador, cu tin e trabao e aña aki di organiza e Noveno Olimpiada di A.S.U.

For di aña 1954 e Olimpiadanan aki, cu tin como obhetu pa baci propaganda pa e diferente ramonan di deporte cu ta worde practica riba nos isla, ta worde annualmente organiza y nan a lra un evento cu cual e deportistanan di nos isla ta conta cu.

E Comité Organizador ta worde forma door di e siguiente personan: Mateo Reyes, president y encarga cu futbol, Herman Kuiperi, secretario; Cesar Kipp, encarga cu volleyball; Bob Martin encarga cu atletismo; J. Chin A Loi encarga cu ciclismo; Horacio Oduber encarga cu softball; Aquiles Leon encarga cu lallal; John Merryweather encarga cu boxeo; J. de Moulín encarga cu esgrima; S. Malmberg encarga cu tennis; Pedro Figueroa encarga cu pingpong; A. Zaandam, tesoroero y encarga cu basketball; Carlos Bielik encarga cu judo; Johnny Oduber, encarga cu baseball; Edwin de Cuba, John Merryweather y N. Ecury encarga cu deporte acuatico; Max Arends encarga cu bowling; J. Havertong, encarga cu cricket; Mike Lewis encarga cu bismiento di peso y cu apertura di e Olimpiada ta encarga M. Arends, A. A. Harns, D. Riederstap, C. Bielik y Johnny Oduber.

Tazabe lo tin eleccion di un Reina di Deporte, local ta na encargo di Alex Mansur.

Propaganda ta den man di Adrian "Janchi" Arends y Herman Kuiperi. Pa mantene contacto cu e deportistanan di Seror Colorado a worde nombra Jimmy Downey.

Club of Bondnan cu ta interesa pa postula un candidato pa Reina di Deporte, por baci esaki cerca cualquier miembro di directiva di A.S.U. prome cu dia 7 di Juni 1963.

E condicionnan ta mescos cu tur aña, esta, soltera, di edad entre 18 y 25 aña, no mester ta discipulo di school, mester tin conocimiento di e idiomaan hollandes, ingles y spañó y mester ta un amante di deporte.

Den diferente ramo di deporte lo tin encuentronan di caracter internacional.

Boxeo cu varios aña no tabata aparece riba e programa, awe ta casi sigur lo worde presenta riba e anochi di apertura.

Un programa temporario a worde traha caba y pronto esaki lo worde aprobá como esun definitivo y oficial.

E Noveno Olimpiada di Aruba Sport Unie lo worde teni di dia 5 te dia 14 di Juli 1963.

FINALNAN DI BOXEO AMATEUR

Dialuna anochi a tuma lugar den Wilhelmina Stadion e finalnan di e torneo di boxeo amateur cu Aruba Boxing Association a organiza.

Tahatin seis pelea, cualnan casi tur tabata di mehor calidad cu e preliminarinan.

E publico no tabata asina numeroso, manera den e encuentronan anterior, probablemente debi na cu e publicidad, cu a worde duná na e programa di Dialuna anochi, no tabata mes bon cu e publicidad pa e programanan anterior. Sinembargo, nos por bisa cu tabatin un bon publico presente den Wilhelmina Stadion y cu Aruba Boxing Association tabata un anochi exitoso.

Den e prome pelea a enfrente otro Carl York y N. Rodgers, kendenan for di principio a desarolla un combate masha activo, buscando cada un un victoria pa k.o.

E golpian di York tabata generalmente mas efectivo y esey a dun'é e victoria pa decision tambe.

E segundo pelea a bai entre Eduardo Henriquez y Wilfred de Mey.

Den e pelea aki e agresividad tabata mas intenso cu durante e prome pelea y e golpian tabata

mehor coloca tambe. Den e segundo y tercer rond ambos boxeador a cuminsa demostra cansancio, resultando sinembargo De Mey como esun cu mas resistencia y por lo tanto a bisa ganador tambe.

Un combate di suma intensidad tabata esun di tres entre Guillermo Henriquez y Donald Hazel. Si den e prome rond tabata falta agresividad, den e segundo por a presenciá un cambio di golpi desconoci, esminda Guillermo Henriquez a resulta e mehor atacante y dos biha e tabatin su contrario completamente grogy. Hopi hende a spera un victoria pa k.o., pero no a yega asina leuw. Guillermo Henriquez a gana pa punto.

E mehor boxeador di anochi tabata Mardenborough, kende a enfrente Edmond Cannegieter den e bout number custer. Danando de bez en cuando un formidable exhibicion di boxeo y treciendo de vez en cuando su contrario den dificultad, el a logra un facil victoria pa punto.

E penultimo pelea tabata entre Isaac Thijssen y Wilfred Christina. Aki tambe nos a experienta un pelea sumamente agresivo. Den e prome rond Christina a domina, pero desde e momento cu e campana a sona pa e segundo rond, Thijssen a cuminsa cherce un presion asina fuerte cu Christine casi no por a resisti mas. Den e ultimo rond sinembargo, Thijssen tabata mucho cansá pa propina e golpi decisivo y el a gana pa punto.

E ultimo pelea a bai entre John Brown y Sugar Ray Leverock. For di un principio Leverock a demostra un superioridad y a mantene esaki casi durante henter duracion di e pelea. Esaki no kier meen cu John Brown no a baci nada, pasobra den e segundo rond el a propina algun bon golpi, pero nan tabata falta e efectividad pa logra un decision rapido. Leverock a mantene su mes atrobe den ventaja durante e tercer rond y door di esey a logra e victoria mercedamente.

GRANDES LIGAS

(Cont. di pag. 14)

BASKETBALL
INTERNACIONAL

E campeonato mundial di basketball, cual ta worde bungá actualmente na Rio de Janeiro, Brasil, ta birando un berdadero tragedia den historia di deporte di Estados Unidos.

E equipo di Estados Unidos, cu a worde considera como favorito absoluto, a perde dos partido caba y azabos dextra a tuma lugar den forma dramático.

Prome nan a perde contra Yugoslavia cu anotacion di 75-73, siendo cu Diadomingo nan a sufrí otro derrota contra Union Sovietica cu anotacion di 75-74. E victoria sovietico a worde logra den e ultimo seconde, pasobra inmediatamente despues di e basket ruso, e pitazo final a sona.

Door di esaki a lbra masba dificultad pa Estados Unidos conquista e campeonato mundial. Actualmente tin tres pais cu no a sufrí derrota ainda, esta Union Sovietica, Yugoslavia y Brasil. Kier meen cu Brasil ta saliendo e boner pa e continente americano, cual continente semper ta demasiado superior pa e resto di mundo den basketball.

Ta keda un consuelo pa Estados Unidos. E pais aki ta worde representa na e campeonato mundial dor di e mes equipo, cu a participa algun siman pasa den e Wegman Panamericano na Sao Paulo, es decir door di un equipo completamente amateur. Y no cabe duda cu, si ta e profesionalnan americano a bai Brasil, Estados Unidos lo a gana e titulo mundial.

E sorpresa di siman den Grandes Ligas tabata indudablemente e serie di victoria cu Dodgers di Los Angeles a logra y cu cual nan a yega e prome lugar di Liga Nacional.

Dodgers di Los Angeles a cuminsa e temporada sumamente lento, aunque mester worde bisa cu varios di nan mehor hungadornan, manera Tommy Davis y Maury Wills, tabata lesioná.

E pitchebanan tambe a cuminsa cobe ritmo y asina tin por ehemplo Sandy Koufax y Ron Perranoski ostentando un record di 6 wega ganá y un perdi.

Den Liga Nacional e lista ta worde encabezá door di Dodgers di Los Angeles, Gigantes di San Francisco, siendo cu e otro equiponan tin un desventaja di mas cu cuater wega.

Den Liga Americano mee ta haya Boston na cabes, sigui pa Chicago White Sox y Baltimore Orioles.

Sinembargo, den Liga Americana e diferencia entre e tres punteronan y e otro clubnan, ta mínimo y den un jornada facilmente e posiccionnan por cambia.



E venezolano Vitoico Duvalillo ta continuando cu su marcha pa alcanza un averahe di bateo di mas cu 300. Den practicamente tur partido di e ultimo siman, incluyendo e partidoean di weekend, e diminuto venezolano y jardiner central di Indios di Cleveland, a conecta mas cu un hit.

Su averahe di bateo a subí di 260 te 290 y si e continua asina, seguramente pronto lo e pertenece na e grupo, cu ta bateando mas cu 300 den Liga Americana, local ta un bazaña admiralbe, pasobra esaki ta e prome aña cu Duvalillo ta actua den Grandes Ligas.

PREMIONAN DI E SIMAN AKI

1o Premio :

3 Carton Cigaria Salem

2o Premio :

2 Carton Cigaria Salem

3o Premio :

1 Carton Cigaria Salem

CON PARTICIPA !

Si bo mira e crocigrama aki bon, bo ta rapa cu bato di Horizontal y Vertical falta algun descripcion.

Sinembargo, si bo soluciona tur e otro rambenan consecutivamente, lo bo haya automaticamente e palabrnan cu no tin descripcion pa nan y e palabranan cu ta forma un letra cu ta corresponde cu un di e famoso productonan di N. V. Winkel's Handel Maatschappij.

Despues di a yena e letra consecutivamente nba e slip, huntu cu bo nomber y bo adres completo, prome cu Diadomingo sea bo ta entregá na oficina di "Observador", Wilhelminastraat 31, Oranjestad, of mandé pa post via P.O. Box 142, Oranjestad, Aruba.

RESULTADO DI SIMAN PASA

E letra di siman pasa tabata

Op elk Communie feest hoort
Robba Verosouth

GANADORAN CRUCIGRAMA

Mei 16, 1963

1o Premio

N. J. Granadiño
v. Walbeekstraat 8

2o Premio

Evelina Raven
Mozartstraat 12

3o Premio

Sra. Helena Larké
Mendelsonstraat 3



Por di avor caba nos ta anunciá, cu lo no ta nada straño si Maury Wills, shortstop di Los Angeles Dodgers, supera e record di baseman robá, cu el a establece aña pasa.

Manera nos a skirbi caba, durante e prome simannan di e temporada e tabata lesioná, pero desde cu el a restablece completamente, e ta robando base den cada partido y varios bisha mas cu un. Si e mantene e mes un ritmo di avor aki, seguramente lo e supera su record di aña pasá.

Mientrastanto, su ejemplo ta worde bon sigui den e filanan di Dodgers, pasobra Willy Davis y John Roseboro tambe a cuminsa roba riba gran escala.

FUTBOL INTERNACIONAL

E seleccion di Brasil, cu ta habiendo actualmente un gira den Europa, a logra dos victoria durante e ultimo weekend. E victorianan aki tabata contra e Republica Arabe Uni cu score di 1-0 y contra Israel cu score di 5-0.

Sinembargo, e dos victorianan aki no ta tanto significante, pasobra ni e Republica Arabe Uni ni Israel ta paisnan, cu tin number futbolístico. Hasta nan ta pertenece na e paisnan debil di mun-

do.

Especialmente e victoria cu Brasil a logra contra Israel, tabata sumamente facil y esey ta worde ilustra si nos teme cuenta



cu por ehemplo e hecho cu e portero brasileño, Gilmar, no ta haya ningun bala durante e prome mitar.

Avor e seleccion brasileño a hunga nucle partido durante su gira y a logra cuater victoria, un empate y a haya cuater derrota. Brasil tin 13 gol na favor y 14 contra.

E ultimo partido di Brasil a worde hungá Diarazon, esta ayera, contra un seleccion di Berlin, reforza cu algun di e mehor hungadornan Aleman. Pa e partido aki e seleccion brasileño lo haya 25 mil dollar.

Siman pasá Diarazon a worde hungá na Rotterdam e final di e Torneo pa e ganadornan di Copa na Europa. E final aki a hai

entre Atletico de Madrid, cual equipo a gana e Copa aki dos bisha caba, y e equipo ingles Tottenham Hotspur. Hungando un futbol sumamente efectivo, e Inglesnan a derrota Atletico de Madrid cu e amplio score di 5 pa 1.

Desde cu e diferente torneosnan europeo a worde inicia e aña aki ta di prome bisha cu ningun equipo spaño ta keda sin gana un di e dos copanan importante.

Diarazon, esta ayera, a worde hungá den e estadio Wembley na Londen e final di e torneo pa e Copa di Europa entre Benfica di Portugal y Milan di Italia. Pa e partido aki tabata reina masha bopi interes y indubidablemente Wembley lo tabata completamente yen albergando un cantidad di mas cu cien mil fanático. Ta difícil pa bisa kende lo a bira ganador, pero nos ta duna preferencia na Benfica, como cu nan ta actua mas como conjunto, siendo cu Milan ta un aglomeracion di estrela, tanto italiano como extranjero.

Benfica a gana e torneo aki dos bisha caba. Un bisha nan a derrota Barcelona y e otro bisha nan a derrota Real Madrid den e final.

Milan a actua solamente un bisha den e final pa e Copa di Europa y esey tabata na aña 1958 contra Real Madrid na Brussel, casminda nan a perde, despues cu e partido mester a worde prolongá pa motivo di un empate.

PA TUR SORTO
DI ARTICULOS
DI SPORT

ACUDI NA

J. E. P. Cabenda

E Centro preferi pa tur bon deportistanan.

PASA NA
OUDE SCHOOLSTRAAT 3
Y CONVENGE BD



PROGRAMA DOMINICAL NA RADIO ANTILLANA

Diadomingo merdia nos a sintoniza Radio Antillana durante benter merdia. Caminda anteriormente e programa "Radio Teatro Antillana" hopi biza tabata kita gusto di hende pa sintoniza Radio Antillana, debi na cu e programa aki tabata mucho bueho y tabata falta originalidad y fantasia, awor Radio Antillana tin un programa di musica continuo y loque nos ta considera mas importante, e musica aki ta bon escuchá. Nos mester tene cuenta cu Diadomingo merdia generalmente ta worde usá aki na Aruba pa descansar y e musica cu Radio Antillana tin actualmente, no ta nifica ningun estorbo pa e descanso aki.

Tambe mester menciona cu e locutora ta acoplá bon cu e caracter di e programa aki.

VIAHA DI CESAR ROMERO

Riba e grafica aki César Romero ta obheho di atencion di e camarera di e avionnan Lorna Mc Lean, kené ta hinea un flor na su jas, den e oficina di T.W.A. na New York, poco promé cu el a sali pa Spaña.

César ta hui participa y observa e modelnan nobo masculino pa aña 1964, na Madrid y Mallorca.



APARICION GINA LOLLOBRIGIDA

Riba e grafica aki nos por admira e belleza atractiva di Gina Lollobrigida, durante un festival cu e tuma lugar na New York. E grafica ta demostra con e comedianta Bob Hope ta admirá Gina.

FILMELIGA TA PRESENTA "LAS AGUAS BAJAN TURBIAS"

E siman aki, esta Diabueho dia 23 di Mei, Filmeliga ta presenta e pelicula argentino "Las Aguas Bajan Turbias" di e Regisor Hugo del Carril. E pelicula ta worde papá na spaño y tin titulo na Ingles.

Tanto pa e tema como pa e tratamiento di e tema aki, e pelicula ta worde compará cu e productu italiano cu a causa sensacion algun aña pasá, "Bitter Rice".

E pelicula a worde filmá riba e plantacionnan na Argentina y door di e maestria, cu cual el a worde filmá, a gana diferente premio internacional.

Prome cu e pelicula aki, lo worde presenta e documentario "Caribbean Holiday", cu a worde traha door di K.L.M. y ta trata riba e atraccionnan turistico di e islanan, perteneciente na Antillas Hulandesas.

E funcion ta cuminsa 8 'or y mei di anochi.

TELE-ARUBA TA CUMINSA DIA 1 DI SEPTEMBER

Segun un circulario cu e comerciantenan di Aruba a ricibi for di e doñonan di e stacion di television di Aruba, Tele-Aruba, e stacion aki lo cuminsa su transmisionnan dia promé di September venidero.

Di e promé di Augustus e staff nobo di Tele-Aruba lo cuminsa su actividadnan, manera preparacion di e programanan etcetera.

E gerencia di Tele-Aruba ta spera di tin tur e aparaturnan instalá pa dia 25 di Augustus.

Den circulario pa e comerciantenan a worde inclui tambe un lista cu e prijsnan di anuncio na Tele-Aruba. E prijsnan di Aruba ta mas barata cu esunnan di Corsow, siendo cu e gerencia ta ofrece un tarifa especial pa e personanan di comerciantenan cu ta anuncia tanto na Tele-Curacao como Tele-Aruba.

SALUDO PA E GRAN CIUDAD

Ann Margret ta aparecé riba e grafica sonriendo na New York, na e momento cu un serie di entrevistas a cuminsa pa prensa y television, tocante su ultimo pelicula "Bye Bye, Birdie".

E artista-cantante aki a worde ligá románticamente cu Eddie Fisher.



NOMBER POPULAR

Segun a worde compra e number Henry Ford ta masba popular na Australia. Ta worde calcula cu ta existi 157 persona cu yama Henry Ford, y eu solamente un di nan ta pertenece na e industria automobilistica!

E BIÑA MAS CARO DI MUNDO

E biña mas caro di mundo ta e "Chateau-Lafite Rotschild 1896". Valor di un botter ta aada menos cu \$ 125.

Na aña 1959 un di e botternan a worde habri, el a worde sabores, pero a worde nota cu e biña a perde bopi smak caba.

EXPOSICION DI MODA

Riba e grafica aki ta aparecé e duquesa di Windsor, kende ta cargando un bouquet di flor na su yegada na un exposicion di moda na Paris.

E duquesa ta elegantemente bisti cu un model blanco, original di Dior, y el a ricibi bopi aplauso na su yegada.



BON ACCION

Teresa Caadeck, di 13 aña, ta aparece riba e grafica aki mostrando su cabey di 34 pulgada largo na Toronto, Canada, despues cu el a haya sa cu e no tabatin necesidad di corta su cabey.

Teresa a ofrece pa vende su cabey pa 250 dollar pa paga su estudio. Pero e gerente di un muchleria a haya tende y a dun'é e cantidad di placa ey y a pidí pa no corta su cabey. E gerente a bisa cu e ta corda con tristo su yiu muher a hira, dia cu e mester a corta su cabey cu el a laga crece pa peña "cola de caballo".

HUMADORNAN NA MERCA

Diariamente e cantidad di humadornan na Merca ta aumentando.

Ta worde calcula cu 4500 mucha muher y mucha bomber entre 12 y 17 aña di edad ta caminsa huma tur dia na Merca.

DIFERENCIA

Mark Twain a bisa:
"Si ho recogé un cachó cu bomber y ho dun'é di come y e sali for di miseria, lo e no morde ho nunca.

Esaki ta e diferencia principal entre un cachó y un ser humano".

"HELL-DRIVER" A HERA DI BAI HELL

E show di Hell-Drivers siman pasá na Aruba tabata sumamente interesante. E personanan, cu a participa den e show ey tabatin mester di bopi aña pa logra dominio e hazafianan, cu nan a presenta na e publico Arubano.

Na Dakota tabatin un Arabiano, cu a kere di por imita e hazafianan di e Hell-Drivers y no den un auto, pero riba un motorcycle.

E resultado tabata cu el a hera di bai Hell, pero pa suerte el a bai Hospital.

El kier a pasa riba un pida palo, cu tabata poco lantú.

Naturalmente e no tabata por, y a haya afortunadamente solamente heridaman na su cabey y su cara.

BELLEZA Y ATRACCION

Riba e grafica aki nos por mira Joyce Harriet Bleidner na e bench di Silver Springs, Florida, disfrutando di solo, despues cu el a worde nombra "Sweetheart of Sigma Chi", un di e fraternidadnan estudiantil di Universidad di Florida, na Gainesville.



MATRIMONIO SIN AMOR

CAPITULO XV

Stop di bunga, el a grita, mi no ta chanza.

Andi no ta den wegá. Janshi, Rica a casa pa poder y awe mainta el a viaha pa New York. Aya su casa ta sper'é.

Mira, mi ta capaz di tur eos na e momento aki, mehor bo stop...

Capaz di kico? Renny a puntra. Algun bisha bo a yega di ta capaz di haci algo? Mi no ta considera bo capaz di nada, ora cu bo no tabata sa di retentá un mucha muher cu bo a companiá durante tres aña.

Scucha mi un rato.....

No exalta bo. Mi ta kere cu mehor cos cu Rica por a haci ta di aseh'é di bo.

Pero loko bo ta bisa, ta gaña, Janshi a grita.

Gaña! Bo ta seña lantá! Tur hende sa cabá su Rica a casa. Y ta ta varios dia cabá cu su pasashi a wordé separá. Ta duel mi pa bo, Janshi, honochi.

Tende.....

Pakico?

Bo ruman muher tabata stima mi. E tabata stima mi, b'a tende?

Pero, e no a demostra esey.

Pero mi ta bisa bo cu el a stima mi. Semper e lo keda stima mi.

Renny a mir'é di ariba te abao y a bisa: Mi no ta comprende cu bo por bisa un cos asina. Si t'andí un muher ta stima, mescos cu bo ta bisa cu Rica tabata stima bo, mi cara lo a cal di bergorosa. Ki sorto di cariño esey ta, Janshi?

Renny a laga Janshi pará mei-mei di caya y a hira bai cas.

Janshi a keda mir'é y a cuminsa cumma, cabes abao, cu su mannan den su saco.

Rica, e muher cu el a kere di

tin dominá, a bai reuni cu otro homber. Su esposa, otro homber, y no é cu tabata stim'é asina tanto. El a bisa un palabra no mucho bonita y a bai su cas.

..

Rica, cu su wowoman esportosamente seco, sin un sonrisa riba su cara, tabata demostrá un gran resignacion. Y hamas e tabata muestra asina bonita mesera e momento ey. E tabatin un bonita bishita di atardi, zapato hiltchi balto, y riba su lártriu un abrigó gris di corte deportivo, cual tabata hacié mas juvenil.

Na su dede di man drechi e tabata luci e aro di oro y na su otro man e tabatin e renchi cu su casá a mand'é promer cu su viaha.....

Su casá! E curazon di Rica tabata bati brutalmente y e tabata pensando cu dentro di algun minut lo e bai reuni cu su casá.

E final di e viaha a yega. Un caballero di edad cu tabata banda di Rica a pantr'é cu amabilidad:

Bo ta sinti malo, señora?

No, no, maeba danki.

Rica tabata sintié malo, si. Dentro di un instante e promer encontro lo tuma lugar y ainda e tabata puntra su mes si el a baci bon. No... E tabata stima Janshi, e mester a ward'é... Y cu cambio e tabata casá cu un homber cu e no conocé y no tabata sa nada di dje.

Kico lo hai pasa? El a mira su botoshi. Tabata seis'or di atardi, y tabata haci frio. Rica a suspirá.

Berdad cu bo ta sinti bo bon? Si, si maeba danki.

Bo tin hende ta bin busca bo ora cu bo yega?

Si, shon.

Si mi por sirbi bo cu algo, mi ta na bo orde. Mi number ta Max Ban.

Maeba danki.

Pero Rica no a bis'é su nomber. Pakico? E caballero a keda mir'é cu un interes especial. E tabata maeba bonita y tabatin un expresion di susto.

E avion a toce terza. E pasaheronan a cuminsa baha. Rica no tabatin purí. Su curazon tabata bati fuertemente, y e tabatin miedo. Pa su parti el a keda sinti, inmovil, te ora cu e avion bai back atrobe.

Señorita..... tabata su turno pa sali. Rica a hala un rosea profundo. Bleek, nervioso, excitá el a cuminsa cumma. El a waki den tur direccion, pero e no por a distingui ningun hende. Tabatin hopi hende. Algun di nan tabata mira Rica cu curiosidad. E tabata asina bonita y e tabata parece spantá..... Y su juventud tabata delicioso. Si, maeba jong pa ta su sé.

Cu nerviosidad el a buesa rond cu 'u wowoman. Cual di tur e hombernan ey tabata su casá? Su curazon a cuminsa bati cu mayor intensidad.

Un hende a mishi cu su lomba. El a dreí mira poco poco. Un homber di estatura corriente, brain, wowo legi scur tabata mir'é cu un sonrisa riba su cara.

Señora Rica?

Si.....

Awoe a sonrisa a bira mas cariñoso. Algun diente blanco y fuerte a sali. Y Rica a pensa: Esta un tipo, e cara, e cabey, e wowoman, parece Marlon Brando. Y Rica a contesta e sonrisa.

Ami ta Arturo, e homber a bisa cu sentállez.

Rica a tembla y a cambia di color. Pa un instante el a lhbida su casá. Y tabata e mes... E homber su dilanti, di un estatura corriente y cu wowoman asina preto.....

Rica cu un sonrisa atractiva a bisa: Ta un placer pa mi... conoec bo.

(E ta ngai.)

Pa pass ratonnan ameno den ambiente agradable, acudí na

PIET'S SODA FOUNTAIN

ARIES



21 Maart — 20 April

Oportunidadnan magnifico den viaba y negoshi. Lo tin satisfaccion emocionante. Sorpresa den bsteria. No papia di mas. Lo presentá algun problema.

LEO



23 Juli — 22 Augustus

E siman aki lo ta malo pa negoshi. Keda den bo bogar, dedica bo na lectura y no haci ningun cambio. No malgasté bo placa.

SAGITARIO



23 November — 21 December

E siman aki bo mester usa bo inteligencia, pasobra bo tin bon perspectivanan. Evitá pleito y disgusto cu bo mayor y hefenan.

TAURO



21 April — 20 Mei

Procedé cu firmesa. Lo bin un cambio grandi e siman aki. Si bo ta dudoso, tene bo calma y no laga jalocamento domina bo.

VIRGO



23 Augustus — 22 September

No duna tur cos mucho importancia. Dominá bo mal genio. Nunca ta laat pa cuminsá cu trabaoan nobo. Afrontá bo negoshi cu optimismo.

CAPRICORNIO



22 December — 19 Januari

Hopí cambio e siman aki. Lo bo sinti bo importante. Hopí cosnan cu bo tabata desea lo wordé resolví sin problema. Favorable pa bo salud.

GEMINIS



21 Mei — 20 Juni

Sinnan favorable. Actua cu confianza. Lo bo sinti bo casá. Armonia den bo bogar, pero lo tin un persona cu lo trata di stroba esaki.

LIBRA



23 September — 22 October

E siman aki bo mester laga tur actividad importante pa bo mes haci. No confia nan den man di otro hende. Cuida bo salud y conservá tur bo energianan.

ACUARIO



20 Januari — 18 Februari

Lo bo haya aumento di salario. Armonia total den bogar. Solucion di un preocupacion. Cierta incidentenan desagradable. Pensa bon promé cu bo actua.

CANCER



21 Juni — 22 Juli

Hopí disgusto e siman aki, pero lo bo ricibi ayudo di bo amigonan. Vigilé bo relacionnan matrimonial. Posibilidad di exito den futuro.

ESCORPION



23 October — 22 November

Lo tin rebucion pa e asuntoan cu bo tabatin pendiente. No confia mucho den otro hende. Trata di no causa ningun disgusto. Sep alerta.

PISCIS



19 Februari — 20 Maart

Lo presentá situacionnan lesmentable di violencia. No haci ningun inversion. Lo falta bo placa. Reflexiona bon promé cu bo haci algo.

SUNCHIMENTO

Un boben ta comentando cu su mucha muher tocante e fiesta di un anochi promé.

T'abo mi a sunebí p'tras den curá? el a puntra.....

Cuant'or mas of menos?

AUSENCIA

Ami ta kere cu ausencia ta aumentá amor.

Sigur sigur. Desde cu Bob a hai, mi ta stima George mas y mas.

LOCO SABI

Des loco ta trahando den un manicomio:

Mira pakico bo ta corre cu e carretilla boca haso?

Pasobra si mi corre cu ne boca riba nan ta yan'e cu piedra pa mi!

DOKTER CU PATIENT

Dokter: Lo bo por paga e operacion si mi consider'e necesario?

Patient: Lo bo consider'e necesario si mi no por paga bo?

CRUELIDAD

Nan ta bisa, cu na India ora cu un homber muri nan ta dera e viuda hunto cu n'e. Ki crueldad!

Berdad, pober homber!

SOLUCION

Señor comisario, mientras mi tabata felis nan a borta mi bicicleta. Ya ta di tres hiba caha cu nan te hacié cu mi.

Pakico bo no ta purha laga bo barba crece otro?

CONSEJO

Dokter, ora cu mi hala rosea mi ta boga.

Percura pa bo no hala rosea.

Si mi no hala rosea, mi ta boga tambe!

Bon... anto... busca un bende pa hala rosea pa bo!

Pedrito



e tipo



un poco



maldito



MATAMENTO

Un filósofo a mira nan pasa cu un condenado pa prison, y el a puntra un di e soldanan cu tabata hib'é:

Pakico el a worde condena?

Pasobra el a mata.

Mi ta comprende; e tabata carnicero.

No. El a mata un otro bomber.

Ahan, auto e tabata un soldá.

No. El a mata otro bomber durante tempo di paz.

Ma ta comprendé, e tabata un verdugo.

Tampoco; el a mat'é sia moti-bo justificá.

Por fin mi a comprendé, e tabata dokter!

CONTESTA NA ORA

Un bomber, despues di a pone un bouquet di flor riba un graf na santana a ripara cu un chinos a pone un bukí cu aros riba un graf ceramio, y el a puntra e chinos cu un voz di bobon:

Ki ora bo ta kere cu bo amigo lo sabi come e aros?

Na e mesun ora cu bo amigo salí hole e fiornan.

DOBBEL

Den un agencia di viahe:

Cuanto lo costa mi pa pesa un luna na Paris cu mi señora?

Mas o menos cinco mil dollar.

Asina tanto! Y si mi bai mi so?

Si bo bai bo so... calculá met dobel.

EQUIVOCACION

Un bomber cu a trata su pober familia masha malo, ta muri al fin, y durante e acto di entierro, un familia leuw ta pronuncia durante oracionnan: E tabata un bon casá y un tata ehemplar.

Ora cu e viuda a caha di cencha e palabranan ey, el a coi man di su yiu tene y el a bis'é:

Laga nos han; mi ke sa cu nos a equivocá di entierro.

E mehor ofertanan di siman

Anuncianan Clarificá

Ta bende un bunita set di sala, completamente renobá, pa solamente 550 florin. Interesadonan por yama telefon 2020 of 2121 pa tur otro detalle.

Atencion mantenán di bestia! Na Wilhelminastraat 8 ta bendiendo actualmentemente algun macaco vamá "Titi", na prijs harata. Interesadonan por pasa personalmente y admirá nan na Wilhelminastraat 8 of yama telefon 1219.

Pa motibo di viaha: ta ofrece un Ford Taunus model 1960, two tone (fire-red-creme) den perfecto condicion. Provecha di e ganga aki acudiendo na oficina di Wilhelminastraat 31 of yama telefon 1887.

Pa motibo di viaha: ta bende un jeep, heavy duty, den perfecto condicion, na milar prijs. Interesadonan por probecha di e oferta aki acudiendo na oficina di "Observador" of yama telefon 2020 — 2121.

Urgentemente ta buscando un cas pa huur den verindario di Oranjestad. Dispuesto na paga Fls. 75 te Fls. 100.—. Pa mas informacion yama telefon 2020 — 2121.

Ta bende 2 machien di cose marca "Singer" den perfecto condicion y na prijs masha conveniente. Interesadonan por acudi na Susteria di Carmelo Croes den Wilhelminastraat 44.

Ta bende un set di haby, consistiendo di dos cama, un koshi y un macuto, segunda mano, na prijsnan razonable. Eanan interesa den compra por pasa na Klipstraat 5 pa tur informacion necesario.

ATENCION: Ora cu nos lectornan ta desea di bende, busca algo pa compra of huur, busca por chempel un loopjongen, sirvienta etc. anto acudi na nos oficina den Wilhelminastraat 31, of yama telefon 2020 — 2121 durante oranan di oficina, y 3131 despues di cinc'or. Gustosamente nos lo yuda bo, poniendo bo aviso den e pagina aki.

Luisin



y



SU



festin



Ta interesa di compra dos file di bero di 4 laachi mas pronto posible. Ofertanan por wordé duná na telefon 2020 of na Wilhelminastraat 31.

Pa motibo di a compra nobo, kier sali for di un refrigerador di 8 pia den bon condicion. Funcionamento garantizá. Dispuesto di sacrifica na solamente f 70.— Pa mas detalle yama telefon 1359 of acudi na Klipstraat 7. Pa compra cash, tin mehor oferta ainda!

Oferta unico: Pickup Ford segunda mano den bon condicion pa unicamente Fls. 425.—. Pa mas informacion acudi na Klipstraat 3 of yama telefon 1359.

Mester bai: un Refrigerador General Electric 12' den bon condicion pa solamente Fls. 225.—. Pa mas informacion acudi na Klipstraat 7, of yama telefon 2020 of 2121.

Pa motibo di a cambia cas, ta ofrece dos aireconditioner 1 hp. y uno di 2 hp. den perfecto condicion pa unicamente Fls. 250 y Fls. 350.— respectivamente. Probecha awor, yamando telefon 3131 pa mas detallenan.

Gana placa: Bon oportunidad pa muchanan gana bopi placa. Posibilidad di gana Fls. 20.— pa dia y mas ainda bendiendo "Observador". Muchanan di school tambe por acudi. Interesadonan por pasa personalmente na oficina den Wilhelminastraat 31.

Oferta nunca visto: Un airecondition 1 hp. casi nobo nobo, den perfecto condicion pa unicamente Fls. 250.—. Probecha di e oferta aki pasando na oficina di Observador. Bin convence bo mes.

GRACE LINE... e linea di bapor cu ta trece turista
pa nos isla semanalmente.

Sea sigur di
tur bo carga-
nan, usando e
servicio
eficiente di e
vapornan di
GRACE LINE



Biaha feliz,
biaha conten-
to, biahando
cu e bapornan
mas moderno:
GRACE LINE

Agente:

EMAN TRADING CO.

Oranjestad
Tel. 1553-1554

Sanicolas
Tel. 5054-5056

N.V. Electriciteit - Mij. Aruba
„ELMAR”
ORANJESTAD, ARUBA

E COMPANIA DI CORRIENTE NA ARUBA

ta ofrece facilidadnan atractivo pa
industrianan nobo y un staf tecnico
cu experiencia pa bo problemanan electrico.



Tel. 2170

**FALTA SOLAMENTE 7 DIA MAS PA
GANA PLACA... GANA HOPI PLACA!**



Bo amigo, famia of bicinja tin mester di un auto nobo of
segunda mano?

ata **Gran Oportunidad** *aki*

Ser salesman di "VIANA" treciendo bo cliente pa nos
y ricibi e siguiente comisionnan:

Pa auto segunda mano te na	fl. 1.500.—	f. 50.—
Pa auto segunda mano mas cu	1.500.—	100.—
Pa autonon nobo "Europeo"		100.—
Pa autonon nobo "Americano"		150.—

Un extra bonus di Fls. 100.— lo wordu paga na e persona cu
bende 4 auto.

E oferta aki ta valido pa unicamente luna di Mei 1963.

Mucha y hende grandi; homber y muher tur por ta salesman di
"Viana" y gana

PLACA... PLACA Y MAS PLACA...

pa mas informacion yama of acudi na

Viana Auto Supply Co., Inc.

Tel.: 5120 - 5121